

'U FADHETTU

Stàvanu tri ssantàri , avanti a mmia ,
cu ppatannòstra e cu fazzolettuni ,
chi , 'ntra 'nnu Credu e 'ntra 'nn' Adimaria ,
mi cuntàvanu fàavuli e ccanzùni ...

Di 'mbernu 'ntornu a lu brasèri ,
d'astati arrètu a l'ortu si stacia ,
e ccu' filava , cui dicia preghèri ,
cui lu gattu 'ntra l'anchi si tenìa ...

Di notti , mi dicianu , lu Fadhèttu
Vaci ggiràndu pe' ttutti li casi ,
s'ammùccia 'ntra lu stipu o sott'o lettu
e nno ssi sapi comu fa mu tràsi ...

Se ttu no dormi e tteni l'occhi aperti ,
e lu senti chi ppassa a ttia vicìnu ,
càccia la manu ch'hai 'ntra li cuvèrti
e pigghiànci di 'ntesta 'u coppulìnu.

Siccòmu no ssi fida pemmu staci
Scapìdhi cu lu còccalu di fora ,
mu nci lu torni t' 'una 'nu rovàci
di sordi , prima e ppoi 'na menzalòra ...

Era cotràru e la me' fantasia
Allora mi zzumpava 'ntra la testa
E , qquando chidhi fàvuli sentìa ,
era pe' mmia lu jornu di la festa !

Mma a mmia no mmi 'mportava d' 'u Fadhèttu ,
e ddi l'oru chi a ccàngiu idhu mi dava ,
di sira m'ammucciàva 'ntra lu lettu
pecchè di lu fadhèttu mi spagnàva ! ...

Francesco Laruffa

www.assoziazionelaruffa.org